

# LEVI YA THOMELLONTLE YA TAEMANE

## Ke eng?

Ka la 1 Pudungwana 2008 ho ile ha tsebahatswa Levi ya Thomellontle ya Taemane hodima ditaemane tse so kang di sebetswa tse romellwang kantle ho RSA. Le ha sena e le molao ka hara Molao wa Levi ya Thomellontle ya Taemane , SARS e na le thomo ya ho tsamaisa le ho bokella levi ena.

## E tobile mang?

Bahlahisi bohle, Berekisi, Beng ba dilaesense / kapa Batshwari ba Diphemiti ba tlameha ho lefa levi ena nakong eo ba romellang ditaemane tse jwalo kantle ho naha.

1. Molefalevi wa kgutliso (ke hore motho ya ngodisitsweng ya etsang tefo ya levi ka lebaka la kgutliso ya nako e itseng ho latela ka moo ho lohothwang ka teng Karolong ya 5(1) ya Molao wa Tsamaiso) o tla lefa levi ho latela dipehelo tsa Karolo ya 5(1) ya Levi ya Thomellontle ya Taemane (Tsamaiso)
2. Monga phemiti o nkuwa e le molefalevi ka kotloloho (motho ya seng monyetleng wa ho una molemo wa ngodiso tlasa Karolo ya 2(1) ya Molao wa Tsamaiso kapa e le motho ya lohothwang Karolong ya 5(1A) ya Molao) mme o tla etsa tefo ya levi pele a romella ditaemane tse so kang di sebetswa kantle ho Afrika Borwa

## Ke tlameha ho nka mehato efe?

Bahlahisi, Berekisi, Beng ba dilaesense ba hwebang ka ditaemane tse so kang di sebetswa ba tlameha ho ngodisa dikgwebo tsa bona le SARS.

Ka nako ya ngodiso, kgwebo e tla fumana nomoro ya khoutu ya ho ba tlelaente ya Bolaodi ba Meedi e tlamehang ho sebediswa ha ho etswa ditsebahatso tsa thomellontle ho SARS. Ho hlokeha tse latelang:

- Ho phethelwa ha bokaalo ba diakhaonto tsa dikgwedi tse tshelala tsa tse kenang le tse tswang, le ha ho ka etswa "nil return / account".
- Pele kopo ya ngodiso e qala, Mokopi o tlameha ho fumana Diphemiti/Dilaesense tse amehang ho tswa ho Bolaodi ba Johannesburg

## Ebe sekgahla sa thomellontle ya kgafa ke sefe mme sepheo sa Levi ya Thomellontle ya Taemane ke sefe?

Sekgahla sa thomellontle ya kgafa ke 5% ya paloyohle ya boleng ho tlositswe tefo e fetang tekanyo kapa e kentse tefo e ka tlase ho moedi. Sepheo ka Levi ya Thomellontle ya Taemane ho latela ka moo e boletsweng ka teng ka hara [Molao wa Levi ya Thomellontle ya Taemane wa Nomoro ya 15 wa 2007](#) mmoho le [Molao wa Levi ya Thomellontle ya Taemane \(Tsamaiso\) wa Nomoro ya 14 wa 2007](#) ke:

1. Ho phahamisa ntshetsopele ya ikonomi ya lehae ka ho kgothaletsa indasteri ya lehae ya taemane ho sebetsa (ho seha, ho polisha, jwalo-jwalo) taemane/ditaemane hae mona;
2. Ho ntshetsapele boitsebelo; le
3. Ho hlola mesebetsi

## E lokela ho leshwa neng, jwang?

Molao o hloka hore ho be le ditefo tsa dikgwedi tse tshelala, ke hore, habedi ka Seleemo sa Ditjhelete. Nako ya tsa ditjhelete e itshetlehile hodima hore na motho ke motho ho ya ka molao kapa ho ya ka molao, jwalo ka Kgwebo. Balefi ba levi ya dikgutliso ba tla lefa levi ho latela dipehelo tsa Karolo ya 5(1) ya Molao wa Levi ya Thomellontle ya Taemane (Tsamaiso). Monga phemiti o nkuwa e le molefalevi ka kotloloho mme o tla etsa tefo ya levi pele a romella taemane/ditaemane tse so kang di sebetswa kantle ho Rephablike.

E ka leshwa ka tsela ya EFT kapa ka tjheke ya banka e tiiseditsweng [diofising tse itseng makaleng a SARS](#).